



BOSNIA AND HERZEGOVINA
Ministry for Human Rights and Refugees

Broj: JN-01-16-4-5-8/23

Datum: 04.04.2023. godine

Ministar za ljudska prava i izbjeglice BiH, na osnovu člana 55. Zakona o upravi („Službeni glasnik BiH“, broj 32/02 i 102/09), člana 64. stav (1) tačka b), člana 70. stav (1), (3) i (6), člana 88. i člana 89. Zakona o javnim nabavkama („Službeni glasnik BiH“, broj 39/14 i 59/22), na Preporuku Komisije za nabavke II, broj: JN-01-16-4-5-6/23 od 30. 3. 2023. godine, u postupku nabavke usluge evaluacije FIGAP II Programa 2018 – 2022, donosi sljedeću:

ODLUKU
o izboru najpovoljnijeg ponuđača za nabavku usluge evaluacije FIGAP II Programa 2018 – 2022

Član 1.

Prihvata se Preporuka Komisije za nabavke II, broj: JN-01-16-4-5-6/23 od 30. 3. 2023. godine i Ugovor o nabavci usluge evaluacije FIGAP II Programa 2018 – 2022 se dodjeljuje ponuđaču Kronauer Consulting d.o.o. Sarajevo, ul. Avde Sumbula br. 4, 71 000 Sarajevo, ponuda broj: 01-03/23 od 16. 3. 2023. godine, za ponudenu ukupnu cijenu ponude bez PDV-a od 25.000,00 KM, odnosno 29.250,00 KM sa PDV-om, kao najpovoljnijem ponuđaču.

Član 2.

Kronauer Consulting d.o.o. Sarajevo je u sklopu ponude, pored Izjave o ispunjenosti uslova iz člana 45. stav (1) tačaka a), b), c) i d) ZJN, ovjerene od strane nadležnog organa - Aneks IV, dostavio i potrebne dokaze, ovjerene od strane nadležnog organa, u skladu sa Izjavom o ispunjenosti uslova iz člana iz člana 45. stav (1) tačaka a), b), c) i d), ZJN, Aneks IV.

Član 3.

Ugovor o nabavci usluge evaluacije FIGAP II programa 2018 – 2022 će se zaključiti u skladu sa nacrtom ugovora iz tenderske dokumentacije.

Član 4.

Ova Odluka objavit će se na web stranici Ministarstva (www.mhrr.gov.ba), istovremeno sa upućivanjem ponuđačima koji su sudjelovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Za izvršenje ove Odluke se ovlašćuje i zadužuje Sektor za opće, pravne poslove i finansijsko-materijalne poslove Ministarstva za ljudska prava i izbjeglice BiH.

Član 6.

Ova Odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka nabavke usluge evaluacije FIGAP II Programa 2018 - 2022, broj: JN-01-16-4-5-1/23 od 10. 3. 2023. godine. Javna nabavka je provedena putem konkurentskog zatjeva za dostavu ponuda za nabavku usluge evaluacije FIGAP II Programa 2018 - 2022. Procijenjena vrijednost javne nabavke je 25.641,02 KM bez PDV-a, odnosno 30.000,00 KM sa PDV-om. Tenderska dokumentacija, broj: JN-01-16-4-5-2/23 od 13. 3. 2023. godine. Obavještenje o nabavci, broj: 679-7-2-5-3-6/23 od 13. 3. 2023. godine je objavljeno na Portalu javnih nabavki, u „Sl. glasniku BiH“ broj: 18/23 od 17. 3. 2023. godine. Komisija za nabavke imenovana je Odlukom broj: 01-16-4-314-1/23 od 14. 2. 2023. godine.

Komisija za nabavke II dostavila je ugovornom organu, ministru za ljudska prava i izbjeglice BiH, Zapisnik o pregledu i ocjeni ponuda, broj: JN-01-16-4-5-5/23 od 30. 3. 2023. godine, Preporuku o izboru najpovoljnijeg ponuđača, broj: JN-01-16-4-5-6/23 od 30. 3. 2023. godine i Izvještaj o radu, broj: JN-01-16-4-5-7/23 od 30. 3. 2023. godine, u postupku nabavke usluge evaluacije FIGAP II Programa 2018 - 2022.

U postupku, po Izvještaju o radu, utvrđeno je da je Komisija za nabavke II blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku zaprimljene tri (3) ponude;
- da su blagovremeno zaprimljene tri (3) ponude;
- da nije bilo neblagovremeno primljenih ponuda;
- da je ponuda ponuđača **Kronauer Consulting d.o.o. Sarajevo** kvalifikovana i prihvatljiva i da su dostavljeni svi traženi dokazi propisani Tenderskom dokumentacijom na propisan način.

Ponuda ponuđača **Lucid Linx d.o.o. Sarajevo** se odbacuje iz razloga neispunjavanja formalnih uslova, ponuda nije dostavljena na način propisan u Tenderskoj dokumentaciji, sljedeće:

Tenderskom dokumentacijom u dijelu 5. Priprema ponuda 5.2 Ponuda se čvrsto uvezuje na način da se onemogućí naknadno vađenje ili umetanje listova. Ponuda mora biti čvrsto uvezana i sve strane ponude numerisane (izuzev štampane literature, brošura, kataloga i sl). Pod čvrstim uvezom podrazumijeva se ponuda ukoričena u knjigu ili ponuda osigurana jamstvenikom.

Uvidom u zaprimljenu ponudu Komisija jednoglasno konstatuje da dostavljena ponuda nije uvezana na propisan način – nije ukoričena u knjigu niti je osigurana jamstvenikom.

U skladu sa naprijed navedenim, Komisija je jednoglasno konstatovala da ponuda ponuđača Lucid Linx d.o.o. Sarajevo nije u skladu sa tenderskom dokumentacijom, ista je nepravilna, ne ispunjava formalne uslove jer nije uvezana na propisan način, član 58 stav 2. Zakona o javnim nabavkama (Sl. glasnik BiH 39/14 i 59/22), te se isti isključuje iz daljeg učešća (ocjene i evaluacije ponuda).

Ponuda ponuđača **Fondacija Credi Ilidža** se odbacuje iz razloga nekvalifikovanosti, ponuda nije dostavljena na način propisan u Tenderskoj dokumentaciji, sljedeće:

Tenderskom dokumentacijom u dijelu 3.1.3 Tehnička i profesionalna sposobnost, navodi se „Ocjena tehničke i profesionalne sposobnosti vršiti će se na osnovu sljedećeg:

1. Potvrde o uredno izvršenom ugovoru - da je ponuđač uspješno realizovao najmanje 2 ugovora minimalno ukupne zbirne vrijednosti ovog predmeta nabavke (30.000,00 KM) koje je finansirao međunarodni donator ili državne institucije BiH (institucije Bosne i Hercegovine, Federacije Bosne i Hercegovine, Republike Srpske ili Brčko Distrikta) a koji se odnose na predmet javne nabavke (evaluacija/analiza programa projekata, stanja ili rodno – odgovornih politika

Napomena: pod potvrdom o uredno izvršenim ugovorima podrazumijeva se potvrda koju je izdala druga ugovorna strana. Kao dokaz se neće prihvatiti dostavljeni ugovor ili referenc lista“.

Uvidom u zaprimljenu ponudu Komisija jednoglasno konstatuje da dostavljena ponuda ne sadrži tražene potvrde, već samo „Izjavu ponuđača u vezi potvrda o uspješno obavljenim evaluacijama po narudžbama međunarodnih donatora u prethodne tri godine, u vrijednosti znatno većoj od vrijednosti ove nabavke“, uz navod da zbog kašnjenja partnera nisu u mogućnosti da uz ponudu prilože potrebne potvrde i da će ih u slučaju da budu odabrani kao najbolji ponuđač u što skorijem roku dostaviti, bez predočenih dokaza o učinjenim pokušajima da se takve potvrde osiguraju (član 48. stav (2) ZJN).

U skladu sa naprijed navedenim, Komisija je jednoglasno konstatovala da u sklopu ponude, nisu dostavljeni svi potrebni dokazi, a kako je traženo u tenderskoj dokumentaciji, te se Fondacija Credi Ilidža isključuje iz daljeg učešća kao neprihvatljiva (zbog neispunjavanja uslova za kvalifikaciju, u skladu sa članom 68. stav 1. i stav 4. tačka i) Zakona o javnim nabavkama (Sl. glasnik BiH 39/14 i 59/22).

U skladu sa članom 3. stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16), u slučaju samo jedne validne ponude e-aukcija se ne može zakazati nego se postupak okončava u skladu sa članom 69. Zakona o javnim nabavkama.

U postupku donošenja ove Odluke, posebno su cijenjene činjenice da je Komisija za nabavke II pravilno i potpuno izvršila ocjenu kvalifikovanosti ponuđača i pregled i ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka ministar za ljudska prava i izbjeglice BiH nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke II.

Naime, u postupku je ocijenjeno da je Komisija za nabavke II u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen zbog kriterija: „najniže cijene“ utvrđenom u Obavještenju o nabavci i Tenderskoj dokumentaciji.

	Naziv i sjedište ponuđača	Ukupna cijena bez PDV-a	Ukupna cijena sa PDV-om
1.	Kronauer Consulting d.o.o. Sarajevo	25.000,00 KM	29.250,00 KM


Na osnovu naprijed navedenog, primjenom člana 64. stav (1) tačka b) Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke.

MINISTAR

dr. Sevlid Hurić



Dostaviti:

- Ponuđačima,
- Sektoru za opće, pravne i finansijsko-materijalne poslove,
- a/a.